

滹沱源

喬宇

自王壯驛西行五十里道瓶形關飲孤山村下村以小孤山而
 名卽山海經所載秦戲之山滹沱之水出焉者村之西是有三
 泉鼎開相去僅五十步皆幅員尺許瀟湧正出浮清泄瀾皎然
 不污泡沸如爭迴盤如合淪漾如織湊關而流其勢不返混繹
 而出其來不竭予下輿臨泉歎曰王之膏乎坤之液乎機之駢
 駟乎道之洋洋乎可以浣我之塵纓乎因歷勺飲之遂覺肺腑
 冷冷神爽氣馥邈然面五臺而歌循滹周覽容容而戀滹滹而
 隨停玄泓目光沙以縈幽石以映其間爲渚爲沚爲坻爲喬者
 皆窮得其端倪注爲幽溪沛然西折傍無萑葭旌櫂之擾中無
 舟楫沿洄之撓故得保其明潔趨繁經代達於平山會於常山
 爲黃潦之流而歸於海泉之最顯於晉者以此低徊之頃俄有
 鮮雲駕颺冉冉自北嶽而來赴於溪上水石奇麗照瑩心目不
 可名狀於是飛蓋而前帳與泉別則海風驟雨沙空平陸卒然
 而至若天待予飲三泉而然者雨中行抵沙澗驛天野已暝遂
 畱宿焉遠三泉所已三十里矣

道藏輯要

天下名山記
山西滹沱喬

五

軫集五